



Éire agus an tSaimbia – Difríocht á Dhéanamh le Chéile

Leibhéal: Idirbhliain	Ábhar: Idirbhliain - Modúl Ceartais
Lesson Topic: Éire agus an tSaimbia – Difríocht á Dhéanamh le Chéile	
<ul style="list-style-type: none"> • Torthaí foghlama: Foghlaimíonn na daltaí faoi chlár Chúnamh Éireann sa tSaimbia agus ar an gcaoi a gcuidíonn sé leis an 4 Phríomhréimse Tosaíochta a bhaint amach: comhionannas inscne, riachtanas daonna a laghdú, gníomhú ar son na haeráide agus rialachas neartaithe • Déanann na daltaí measúnú ar an gcaoi a gcuidíonn clár Chúnamh Éireann sa tSaimbia leis na Spriocanna um Fhorbairt Inbhuanaithe a bhaint amach 	
<p>Acmhainní: Cur i láthair a dhéanann comparáid idir Éire agus an tSaimbia agus a thugann eolas ar chlár Chúnamh Éireann sa tSaimbia, scannán 8 nóiméad darb ainm <i>Éire agus an tSaimbia – Difríocht á Dhéanamh le Chéile</i>, trí bhileog oibre.</p>	
<p>Fad: 60 nóiméad (is féidir an t-ábhar a oiriúnú chun freastal ar an tréimhse ama atá ar fáil)</p>	
<p>Réamhrá: Míníonn an múinteoir go bhfuil an rang chun staidéar a dhéanamh ar an gcaoi a n-oibríonn Rialtas na hÉireann, trí Chúnamh Éireann, le heagraíochtaí comhpháirtíochta sa tSaimbia chun athrú a chur i gcrích.</p>	
<p>Forbairt:</p> <p>1. Cur i láthair tosaigh Osclaíonn an múinteoir an cur i láthair ar an tSaimbia agus ar chlár Chúnamh Éireann sa tSaimbia (10 nóiméad). Breathnaíonn an cur i láthair ar acmhainní nádúrtha sa tSaimbia, staitisticí ó Thuarascáil um Fhorbairt Dhaonna na Náisiún Aontaithe 2019, Ambasáid na hÉireann sa tSaimbia, beartas na hÉireann um Fhorbairt Idirnáisiúnta ar a dtugtar <i>Domhan Níos Fearr</i> agus a 4 Phríomhréimse Tosaíochta.</p> <p>2. An Scannán - Éire agus an tSaimbia- Difríocht á Dhéanamh le Chéile (8 nóiméad) Féachann an múinteoir agus na daltaí ar ghearrscannán faoi thacaíochtaí Chúnamh Éireann do shé eagraíocht chomhpháirtíochta sa tSaimbia. Déanann na daltaí measúnú ar an gcaoi a gcuidíonn na tacaíochtaí seo le comhpháirtithe sa tSaimbia leis na 4 Phríomhréimse Tosaíochta: comhionannas inscne, riachtanas daonna a laghdú, gníomhú ar son na haeráide agus rialachas neartaithe a bhaint amach. Moltar don mhúinteoir an scannán a stopadh idir rannóga agus na ceisteanna ar Bhileog Oibre a hAon - Obair Bhéil Tuisceana a chur.</p> <p>3. Gníomhaíochtaí</p> <p>Bileog Oibre a Dó - 4 Réimse Tosaíochta - Obair Phéire / Obair Ghrúpa Líon isteach Bileog Oibre a Dó le chéile. Pléigh na torthaí leis an múinteoir agus leis an ngrúpa ranga. Líon istach Bileog Oibre a Trí - Má tá am breise ar fáil, Éire, an tSaimbia agus na SFInna - Obair Phéire / Grúpa nó críochnaigh mar obair bhaile é.</p>	
<p>Críoch: Tar éis dóibh na gníomhaíochtaí a chríochnú, pléann na daltaí a gcuid torthaí leis an múinteoir agus leis an ngrúpa ranga.</p>	

